

# XXV edición da homenaxe “A escritora na súa terra - Letra E”

Concello da Coruña  
29 de xuño de 2019

PILAR

PALLARÉS

A Homenaxe O/A Escritor/a na súa Terra, impulsada pola Asociación de Escritoras e Escritores en Lingua Galega (AELG), chega este ano á súa XXV edición recaendo, por decisión unánime da súa Asemblea de Socios e Socias, na figura de Pilar Pallarés, que será homenaxeada na Coruña, cidade na que residiu a maior parte da súa vida.

Esta iniciativa anual conforma xa unha tradición na traxectoria da Asociación, e tense constituído ao longo de máis de dúas décadas como unha celebración na que a terra de acollida do/a homenaxeado/a ten unha presenza fundamental. É vontade da AELG honrar escritores/as procurando o contacto directo co autor/a e a súa implicación persoal na xornada de homenaxe.

Unha celebración múltiple e popular en que se vén recoñecendo a entidade literaria de insignes figuras das nosas letras, a través dunha serie de eventos como a entrega do galardón Letra E de escritor/a (unha peza escultórica de Soledad Penalta), a plantación dunha árbore simbólica (un carballo elixido pola propia autora) e a colocación dun monólito conmemorativo.



## ANTERIORES MERECEDORES/AS DESTE GALARDÓN

I Edición  
**ANTÓN AVILÉS DE TARAMANCOS**  
1995 • Boa, Taramancos

II Edición  
**BERNARDINO GRAÑA**  
1996 • Cangas do Morrazo

III Edición  
**MANUEL MARÍA**  
1997 • Outeiro de Rei

IV Edición  
**MARÍA XOSÉ QUEIZÁN**  
1998 • Vigo

V Edición  
**XOSÉ NEIRA VILAS**  
1999 • Gres, Vila de Cruces

VI Edición  
**UXÍO NOVONEYRA** (póstumo)  
2000 • Parada do Courel

VII Edición  
**LUZ POZO GARZA**  
2001 • Ribadeo

VIII Edición  
**XOSÉ CHAO REGO**  
2002 • Vilalba

IX Edición  
**XOSÉ FERNÁNDEZ FERREIRO**  
2003 • Nogueira de Ramuín

X Edición  
**SALVADOR GARCÍA-BODAÑO ZUNZUNEGUI**  
2004 • Teis, Vigo

XI Edición  
**PURA E DORA VÁZQUEZ**  
2005 • Ourense

XII Edición  
**MARÍA DO CARME KRUCKENBERG**  
2006 • Vigo

XIII Edición  
**MANUEL LOURENZO**  
2007 • O Valadouro

XIV Edición  
**XOSÉ VÁZQUEZ PINTOR**  
2008 • Melide

XV Edición  
**AGUSTÍN FERNÁNDEZ PAZ**  
2009 • Vilalba

XVI Edición  
**MARILAR ALEIXANDRE**  
2010 • Santiago de Compostela

XVII Edición  
**PACO MARTÍN**  
2011 • Lugo

XVIII Edición  
**XAVIER RODRÍGUEZ BAIXERAS**  
2012 • Ribadeo

XIX Edición  
**MARICA CAMPO**  
2013 • O Incio

XX Edición  
**XABIER P. DOCAMPO**  
2014 • Castro Ribeiras de Lea

XXI Edición  
**XOSÉ M<sup>a</sup> ÁLVAREZ CÁCCAMO**  
2015 • Vilaboa

XXII Edición  
**HELENA VILLAR JANEIRO**  
2016 • Rianxo

XXIII Edición  
**MARÍA PILAR GARCÍA NEGRO**  
2017 • Lugo

XXIV Edición  
**Nacho Taibo**  
2018 • Oleiros

**11:30 Xardín posterior ao Centro Ágora**  
**Descubrimiento do Monólito conmemorativo e plantación do carballo** (árbore simbólica da escritora)

Interveñen:


- **Alcaldía da Coruña**, ou persoa en quen delegue
- **Cesáreo Sánchez**, Presidente da AELG
- **Pilar Pallarés**

**12:30 Salón de actos do Centro Ágora** (A Coruña)  
**Acto de entrega da “Letra E”**

Interveñen:

- **Alcaldía da Coruña**, ou persoa en quen delegue
  - **Mercedes Queixas Zas**, Secretaria Xeral da AELG
  - **Cesáreo Sánchez Iglesias**, Presidente da AELG
  - **Eva Veiga**: Laudatio
  - **Soledad Penalta**: Entrega dunha peza escultórica da súa creación
  - **Pilar Pallarés**: Intervención da homenaxeada.
- Resposta á laudatio

**14.30 Restaurante Domus** (Rúa Ángel Rebollo, 91)  
**Xantar de confraternidade.** Aberto aos/ás socios/as da AELG, á veciñanza da Coruña e demais persoas interesadas.



Concello da Coruña, 29 de xuño de 2019

Achegarse á poesía de Pilar Pallarés é xa de principio saberse nunha navegación cuxos riscos son os que a propia autora asume cando escribe: un corpo a corpo coa linguaxe que a compromete enteira nun combate no que é tanto presa como cazadora. Unha lide na que se dan cita en resonancia a vida e a morte, o amor e o desamor, a realidade existencial e a escrita, nun proceso -adoito deconstrutivo- de absoluta entrega. Así, cada poema é un xogo de forzas en tensión que, dado polas palabras xustas e precisas, atinxe coma o raio a nosa cerna. Pois, non en balde, a poesía de Pilar parte dese fondo constitutivo que compartimos todos os seres vivos: o tempo e a fame. Fame de ser, de non-ser. Fame doutra realidade capaz de soerguernos sobre a mediocridade ou o finito dos días. Fame dun ti, dun nós con quen acadar a comunicación e mesmo a extinción do eu. Porque esta travesía é, nomeadamente, á carencia total. E a súa condición a de arder. En calquera caso, unha viaxe ao silencio que é tamén o da resurrección. Renace así a linguaxe para dicir o imposible, o que se perde, o imprevisto. Entre a vida e a palabra, entre o pasado e o porvir, a crisálida transfórmase -por unha metamorfose tan dolorosa como liberadora- en bolboreta ou luz da conciencia. Tomar conciencia de si, do outro, de toda outredade: eis a razón estética -logo tamén ética- que alenta unha das poéticas máis radicais e extraordinarias da nosa contemporaneidade. A voz que por amor ousa desafiar aos deuses.

PILAR PALLARÉS

# XXV edición da homenaxe “A escritora na súa terra - Letra E”

Concello da Coruña  
29 de xuño de 2019



PILAR

PALLARÉS